



UPA2016/86  
21. april 2016  
Ane Hansen

**Inatsisartut aalajangiiffigisassatut siunnersuut, Naalakkersuisut peqquneqassasut neqerooruteqartarnermut inatsimmut allannguutissanik siunnersuuteqarnissaannik, sanaartornermi suliallit nunatta pissarititaanik atuinissamik kissaateqartut tapersersorneqarnissaat siunertaralugu.**

(Inatsisartunut ilaasortat Aqqaluaq B. Egede, Inuit Ataqatigiit aamma Per Rosing-Petersen, Partii Naleraq)

Nuna sunaluunniit namminersorluni ingerlarusuttoq nunap pissarititaanik atuinissamik salliutitsinissamik pingaartitsisarpoq. Tamanna nunani namminersortuni tamani takusuartarparput, nunap tunniussinnaasaanik atorluaaneq aallaavigineqartarmat nunap aningaasarsiorneranut ineriartorneranullu.

Taamaammat Inatsiartuni ilaasortat Aqqaluaq B. Egede, Inuit Ataqatigiit, Per Rosing-Petersen-lu Parti Naleqqameersup siunnersuutaat soqutiginarorujussuurtut tiguarput.

Inuit Ataqatigiit partiiuvugut nunatta pisuussutaanik pissarititaanillu atorluanissamik inerisaanissamillu pingaartitsinermik ilisarnaatillit naleqartitsisorlu. Tamannalu tungavigalugu suliniartuartsimalluta. Pisuussutit uumaatsut umassusillillu avatangiiserput mianeralugu piujuartitsinermillu siunertaqarluta ineriartortitsissuugut aningaasarsiornikkut, ilinniartitaanikkut, suliffeqarnikkut, allarpassuartigullu.

Siunnersuuteqartut isumaqtigaagut nunatsinni sanaartornermi killiffipput ilungersunarluinnartutut oqaatigisariaqarmat. Ukiuni kingullerni sanaartornermi nakkutilliineq pitsavissuurtut oqaatigineqarsinnaangilaq, tamannalu pissutigalugu sanaartornermi tuaviuussat atortussallu akikinneriukkut inissiat illullu pitsaassusaanik killiliipput. Sanaartornermi nakkutilliineq sinerissap ilarujussuani pitsaanerpaatut oqaatigineqarsinnaangilaq.

Sanaartornermi ilinniarfiit nunatsinni pissutsinut atortussianullu nunap tunniussinnaasaannut naleqquttumik ilinniartitsivittut inerisarneqarnerat aamma sulii killilerujussuuvog siuarsartariaqarlunilu.

Inuit Ataqatigiinnit siunnersuuteqartut isumaqtigaagut sanartornermi tamani nunatta pissarititaanik atorluanerunissaq ersarinnerusumik aqutissiunneqartariaqarpoq aamma pitsaasumik unammillersinnaalernissaat sanartornermi maleruagassani inatsisinilu aqutissiunneqartariaqarlutik.

Siunnersuummut Naalakkersuisut akissuteqaataat kingusissukkat takkuttoq atuareerlugu assut tupigusuallappunga siunnersuut itigartinneqartussatut inassutigimmassuk, qineqqusarnerup nalaani kujataani eqqaamangaarparput maanna Naalakkersuisut siulittaasuata qineqqusarnera qammasissiaminersuaq SIKUBLOCK saaminut ilillugu taamatut ittut aqutissiuunneqarnissaat suliniutigingaassallugu. Periarfissaq takkummat suppat? Siunnersuutip itigartinneqarnissaa inassutigaat, tamanna qanoq nassuiaatissaqartinnerpaat.

Inuit Ataqatigiit nunatta pissarititaanik atorluanissamik pingaartitsisuugatta sanaartornermi atorluarneqarsinnaasut ilanngullugit sanaartornermi maleruagassani inatsisinilu ersarissumik aporfilersornagit aqutissiuunneqarnissaat Naalakkersuisunut suliakkiutigineqassasoq isumaqtigaarput.

Siunnersuutilu aappassaaneerneqartinnani Sanaartornermi ataatsimiisitaliami  
suliareqqitassanngortipparput.